


R E G N I S C O T I Æ D E S C R I P T I O.

*Antiqua
Scotia
Divisio.*



Universa pars Septentrionalis insulæ Britanniae antiquitus à Pictis infesta fuit, qui in duas gentes divisi DICALIDONIOS scilicet, & VICTVRIONES, de quibus in Britanniae descriptione ex Ammiano Marcellino Camdenus dixit: cum Scoti autem in hac parte rerum potiti essent, in septem partes inter septem Principes partita fuit, ut habetur in antiquo libello de Scotiae divisione his verbis:

Pars prima continebat *Enegus & Maern.*

Secunda *Arheodl & Goverin.*

Tertia *Stradeern cum Meneted.*

Quarta fuit *Forther.*

Quinta *Mar cum Buchen.*

Sexta *Muref & Ros.*

Septima *Cathanesia*, quam *Mound mons* medius dividit, qui à mari Occidentali ad Orientale procurrit.

*Alia Scotia
vetus divisio.*

Deinde refert idem Author ex relatione Andreae Episcopi Cathanesii, in septem itidem territoria totum regnum fuisse partitum:

Primum à *Fryth* Britannice, *World Romanne*, hunc *Scotie munde*, ad *Tee An*.

Secundum ad *Hilef* sicut mare circuit ad montem in Aquilonali parte de *Strivelin* nomine *Athran.*

Tertium ab *Hilef* ad *Dee.*

Quartum à *Dee* ad *Spe fl.*

Quintum à *Spe* ad montem *Brunalban.*

Sextum *Mures & Ros.*

Septimum regnum *Argathel*, quasi margo Scotorum, qui sic vocati fuerunt à *Gathelgas* duce.

Scotis ignota.

Sed hæ divisiones hodiernis Scotis vix notæ.

*Tertia Scotiae
divisio
secundum
gentium
habitudinem.*

Secundum gentium habitudinem, Scotia divisa fuit in *Highland-men*, *Lowland-men*, & *Borderers*; id est Superiores, Inferiores, & Limitaneos; Superiores sunt ii, qui altiora loca montesque inhabitant, versus Boreales & Occidentales partes; incultiores illi & præferoces, Hibernicorum lingua & habitu utuntur. Inferiores, qui planities & depressa inhabitant, superioribus cultiores, Anglorum sermone & vestitu utuntur. Limitanei ad Angliæ limites

Scotia.

siti, à Carlila oppido ad Bervicum, jure merito ex hac divisione possent in posterum excludi, pace enim undique affulgente ex fausta & felici unione in Britannici imperii umbilico censendi, bellorumque pertasi, pacis studiis ab illo tempore se assuescere inceperunt, & inferioribus annumerari.

Secundum locorum habitudinem rursus universum regnum in duas distribuitur partes, Australem cis *Taum* flumen, & Borealem trans *Taum*, præter numerosas insulas circumpositas.

In parte Australi hæ sunt regiones insigniores.

<i>Teisidale.</i>	<i>Arran.</i>
<i>Merch.</i>	<i>Cluydesdale.</i>
<i>Lauden.</i>	<i>Lennox.</i>
<i>Liddesdale.</i>	<i>Stirling.</i>
<i>Eskedale.</i>	<i>Fife.</i>
<i>Ammandale.</i>	<i>Strathern.</i>
<i>Niddesdale.</i>	<i>Menteith.</i>
<i>Galloway.</i>	<i>Argile.</i>
<i>Carrick.</i>	<i>Cantire.</i>
<i>Kyle.</i>	<i>Lorn.</i>
<i>Cunningham.</i>	

Parti Boreali hæ regiones accensentur:

<i>Inguahia</i>	<i>Buguban.</i>
<i>Braidalbin.</i>	<i>Murray.</i>
<i>Perth.</i>	<i>Ros.</i>
<i>Athol.</i>	<i>Sutherland.</i>
<i>Anguish</i>	<i>Cathanes.</i>
<i>Mern.</i>	<i>Strathnavern.</i>
<i>Marr.</i>	

Divisio hæc usum habuit in judiciis, & ad usque Iacobi IV tempora obtinuit; Eligebantur enim iv ex Nobilibus, iv ex Ecclesiasticis, iv ex Baronibus minoribus, qui Domini Consilii & Sessionis appellabantur, & per totam hiemem Edinburgi sedere consueverant, ut meridionali regni parti jus dicerent, æstate vero Aberdoniæ parti boreali. Iacobus vero V, cum in Gallia Magdalenam Francisci I Regis Filiam duxisset, & istius regni regimen per Parlamenti gubernationem optime constitutum vidisset, in patriam redux, sublati electivis istis iudicibus, Senatum instituit à similitudine Parlamenti Gallici, de quo postea.

Rursus ad civilem administrationem dividuntur

K

*Quarta
Scotiae
divisio
secundum
locorum
habitudinem.*

*Quinta
Scotiae
divisio.*